



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Compendium Qvæstionvm Regvlarivm R. admodum P.  
Emanuelis Roderici Lusitani, S. T. Lectoris Prou. S. Iacobi  
Reg. Obseru. Ordin. Mino. Diffinitoris**

**Rodrigues, Manuel**

**Lvgdvni, 1621**

Testamentum.

**urn:nbn:de:hbz:466:1-41743**

TESTAMENTVM. 389

detur in Religione, & illi sint verè Religiosi: non autem ad milites Regulares; nisi ad eorum Clericos.  
*art. 3. & 4.*

TESTAMENTVM.

*Vide Episcopus, Hæreditas, Nouitius.*

**P**eccat Regularis quicumque, etiam Canonicus, aut Prælatus, condens testamentum ante mortem, vel dans memoriale suæ ultimæ voluntatis circa dispositionem suarum supellectilium cum intentione obligandi, & testamentum est nullum à iure, ad quod minimè suffragari potest licentia Prælati, quæ nulla est in hac parte. Excusatur tamen qui liberos habuerit ante professionem, quibus antè non diuiserat portionem legitimam: tunc enim potest illis eam diuidere, reliquis manentibus Monasterio. Facultas tamen est penes summum Pontificem licentiam faciendi ad testandum absque dispensatione in voto; cum ad hoc non requiratur proprietas; sed sufficiat administratio. *tom. 3. q. 69. art. 2.*

Professus non potest, etiam de licentia sui Superioris, reuocare,

aut alterare testamentum ante professionem factum : bene autem suam intentionem declarare. *art. 3.*

Professus in Ordine militari, licet ex vi Regulæ teneatur ad paupertatem, & per consequens prohibeatur testari, tamen ex antiquo usu, & consuetudine viuendi contraria iam præscripta, hodie omnes possident, & vouent secundum illam intentionem : Magister enim Ordinis in hoc dispensauit, vt scilicet non magis teneantur seruare Regulam, quam seruari consuevit. Imò *Greg. XIII.* ad maiorem securitatem hos eis concessit ; sicut & *Clemens VII. art. 7.*

Hæc tamen testandi facultas neque Maltenses, neque alios milites Regulares, quam Hispaniæ, comprehendit. *art. 7.*

Oblatus eo ipso quo se, suaque Ecclesiæ, aut Monasterio obtulit, per illam liberam suam donationem (etsi non sit Religiosus) testandi iure priuatur. *art. 8.*

Testamentum factum ante professionem à nihil cogitante de Religione, per professionem rumpitur  
respe

TESTAMENTVM. 398

respectu partium, quæ ad Monasterium erant peruenturæ; secus est, si tunc cogitabat de Religione, quia tunc valet, etiam non seruata iuris solennitate. *art. 11.*

Nullus Religiosus officium executoris acceptare, multò minus exequi potest sine expressa licentia Superioris; aliàs iure irritum esset, quidquid attetaret, cum non habeat velle. Quisquis autem alios ad hoc licentiarè potest, id ipsum per se præstandi facultatem habet. *g. 70. art. 1.*

Per *Clementinam*, *Exiui*, &c. interdicitur Fratribus Minoribus, ne executores vnquam instituantur; non autem ne ipsis per testatorem committatur electio executorum, aut facultas consulendi executores pro distribuendis legatis, ita vt ab ipsis executores consilium petere teneantur. *art. 2.*

Frater Minor licitè exequitur testamentum distribuendum inter Fratres & Sorores sui Ordinis, hærede sponte soluente. *art. 2.*

Regularis executor testamenti, si solus sit, potest pauperibus eroganda suo applicare Monasterio,

nisi testator aliquid legauerit : sibi autem extra summam necessitatem existenti , communiter non potest, nisi constiterit de voluntate testatoris , aut alios habeat executionis coadiutores. *art. 4. & tom. 2. q. 126. art. 8.*

Regularis etiam exemptus , aut Prælatus testamentarius potest conueniri ab Episcopo pro reddenda ratione executionis testamenti. Quod intelligendum de Religioso habente exemptionem communem, & conuentionibus ratione contractus, vel delicti subiecti , non autem de iis qui conueniri non possunt, quales sunt omnes Mendicantes. *art. 5.*

Nulli autem prohibetur testari in testamentis cum licentia Superioris. *quæst. 71. art. 2.*

## TERTIARIJ.

*Vide Exemptio.*

**T**ertiarj , quos Sanctus Franciscus instituit, viuentes in domibus suis , non sunt Religiosi , cum non dederit eis Regulam , sed tantum pium quendam viuendi modum;